

**Broj: UP1-06-13-1-128-6/20**  
**Mostar, 14.01.2021. godine**

Na osnovu člana 21., člana 37., člana 42., člana 84., člana 85. stav (2) i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18., člana 40. stav (1) tačka c) i člana 43. stav (1) Pravilnika za izdavanje dozvola („Službene novine Federacije BiH“ broj 2/17 i 39/20), člana 11. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (2), člana 5., člana 6. stav (1), člana 8. i člana 9. stav (2) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19) postupajući po Zahtjevu za izmjenу i dopunu dozvole za rad broj UP1-06-13-1-128-1/20 od 20.11.2020. godine podnosioca zahtjeva „SOLAR“ Ustikolina - vl. Duranović Hasib, Njuhe b.b., Foča, Federacija BiH, zastupanog po zakonskom zastupniku Duranović Hasibu, u postupku izmjene i dopune Dozvole za rad za proizvodnju električne energije broj 06-03-773/19 od 20.09.2019. godine, Regulatorna komisija za energiju u Federaciji Bosne i Hercegovine – FERK je 14.01.2021. godine na I redovnoj sjednici donijela sljedeće

## RJEŠENJE

1. Dozvola za rad za proizvodnju električne energije broj 06-03-773/19 izdata Rješenjem broj 06-03-773-06/19 od 20.09.2019. godine, imaoца dozvole „SOLAR“ Ustikolina - vl. Duranović Hasib, iz Foče, Federacija BiH, mijenja se i dopunjuje, te glasi kao u prilogu koji je sastavni dio ovog rješenja.
2. Utvrđuje se „SOLAR“ Ustikolina - vl. Duranović Hasib, iz Foče, Federacija BiH, status kvalifikovanog proizvođača u objektu solarne fotonaponske elektrane „GOLEŠ“, u periodu važenja dozvole iz tačke 3. ovog rješenja.
3. Dozvola za rad za proizvodnju električne energije iz tačke 1. ovog rješenja ваži до 19.09.2029. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Imalac dozvole je obavezan platiti privremenu regulatornu naknadu za 2021. godinu u iznosu od 292,88 KM.
6. Imalac dozvole prvi dio privremene regulatorne naknade iz tačke 5. ovog rješenja u iznosu od 141,65 KM obavezan je platiti u roku od 30 dana od dana prijema ovog rješenja, a preostali dio privremene regulatorne naknade u iznosu od 151,23 KM imalac dozvole je obavezan platiti do 31.08.2021. godine.
7. Regulatorna naknada iz tačaka 5. i 6. ovog rješenja će se preračunati nakon donošenja odluke o utvrđivanju procenta za obračun varijabilnog dijela regulatornih naknada za 2021. godinu o čemu će se izdati posebno rješenje.
8. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.

9. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

### **O b r a z l o ž e n j e**

FERK je 20.11.2020. godine pod brojem UP1-06-13-1-128-1/20 primio od podnosioca „SOLAR“ Ustikolina - vl. Duranović Hasib, iz Foče, Federacija BiH Zahtjev za izmjenu i dopunu dozvole za rad, u postupku izmjene i dopune Dozvole za rad za proizvodnju električne energije broj 06-03-773/19 od 20.09.2019. godine, zbog izgradnje novog proizvodnog objekta solarne fotonaponske elektrane „GOLEŠ“. Dopuna istog zahtjeva u FERK je primljena 30.11.2020. godine pod brojem UP1-06-13-1-128-2/20. Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izmjenu i dopunu dozvole za rad UP1-06-13-1-128-3/20 od 03.12.2020. godine, te mu odredio rok radi otklanjanja u obavještenja naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 14.12.2020. godine pod brojem UP1-06-13-1-128-4/20, uz koji je dostavio traženu dokumentaciju i obrazloženja, a na osnovu kojeg je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj UP1-06-13-1-128-1/20 od 20.11.2020. godine, podnosioca „SOLAR“ Ustikolina - vl. Duranović Hasib, iz Foče, Federacija BiH. Na osnovu člana 85. stav (2) i člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj UP1-06-13-1-128-5/20 od 23.12.2020. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 24.12. do 04.01.2021. godine do 12:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješšača na adresu FERK-a ili na elektronsku adresu, u periodu od 24.12. do 04.01.2021. godine do 12:00 sati. Do ostavljenog roka za dostavu pisanih komentara i za podnošenje zahtjeva za sticanje statusa umješšača, odnosno do 04.01.2021. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješšača.

Dalje, članom 4., članom 5. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 6. stav (1) istog pravilnika propisano je da postojećim imaocima dozvola koji obavljaju djelatnost proizvodnje električne energije, a koji povećaju/smanje ukupnu instalisanu snagu svojih proizvodnih objekata i ako prelaze iz jedne kategorije u drugu, fiksni dio regulatorne naknade će se preračunavati u skladu sa tabelom iz člana 5. stav (2) ovog Pravilnika, od prvog dana perioda izmjene dozvole, a varijabilni

dio regulatorne naknade utvrđivat će se primjenom procenta p (%) na ostvareni ukupni prihod iz prethodne poslovne godine i/ili na planirani ukupni prihod za tekuću godinu, a u skladu sa članom 5. stav (3) ovog Pravilnika. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoca dozvole. Članom 9. stav (2) Pravilnika o metodologiji i načinu obračuna regulatornih naknada za imaoce dozvola propisano je da će se novim imaocima dozvola za obavljanje elektroprivrednih djelatnosti i imaocima dozvola iz člana 6. stav (1) tog pravilnika, koji dobiju, odnosno izmijene i dopune dozvolu za obavljanje elektroprivredne djelatnosti za vrijeme važenja odluke iz člana 8. stav (4) istog pravilnika, utvrditi/preračunati iznos privremene regulatorne naknade izdavanjem pojedinačnog rješenja, koje će se primjenjivati do donošenja odluke iz člana (8) stav (1) tog pravilnika i rješenja iz člana 8. stav (2) tog pravilnika. Na osnovu navedenog, Odlukom broj 08-11-1390-1/20 od 11.12.2020. godine „SOLAR“ Ustikolina - vl. Duranović Hasib, iz Foče, Federacija BiH kao postojećem imaoцу dozvole za rad za proizvodnju električne energije utvrđen je iznos privremene regulatorne naknade za 2021. godinu u iznosu od 100,00 KM. Kako je imalac dozvole povećao ukupnu instalisanu snagu svojih proizvodnih objekata, privremena regulatorna naknada za 2021. godinu preračunata je u skladu sa članom 5., članom 6. stav (1), članom 8. i članom 9. stav (2) ovog Pravilnika, tako da ukupan iznos privremene regulatorne naknade koju je imalac dozvole obavezan platiti za 2021. godinu sada iznosi 292,88 KM. O obavezi plaćanja regulatorne naknade imaoцу dozvole će se ispostaviti obavještenje.

Na osnovu obrade Zahtjeva za izmjenu i dopunu dozvole za rad podnosioca „SOLAR“ Ustikolina - vl. Duranović Hasib, iz Foče, Federacija BiH i dokumentacije priložene uz zahtjev, izvršena je izmjena i dopuna Dozvole za rad za proizvodnju električne energije broj 06-03-773/19 od 20.09.2019. godine, zbog izgradnje novog proizvodnog objekta solarne fotonaponske elektrane „GOLEŠ“. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, s tim da je period važenja dozvole ostao nepromijenjen. Postavljeni uslovi, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, stvaraju obavezu „SOLAR“ Ustikolina - vl. Duranović Hasib, iz Foče, Federacija BiH da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Jasmin Bešo**

#### **Dostaviti:**

- „SOLAR“ Ustikolina - vl. Duranović Hasib, iz Foče, Federacija BiH (poštom preporučeno uz dostavnicu)
- Operator za OIEiEK (poštom preporučeno uz dostavnicu)
- Sektoru za tehničke poslove i licence